

**ՇՈՂԱԳԱՎԱՆՔ ԵԿԵՂԵՑՈՒՑ ՀԱՅՏՆԱԲԵՐՎԱԾ
ԽԵՑՆԵՆ ՀԱՎԱՔԱԾՈՒԻ ՄԱՍԻՆ**

Հ. Ս. ՆՍԱՅԱՆ

1983 թ. Հայաստանի պատմության պետական թանգարանի արշավախմբի կողմից, Մարտունու շրջանի Զորագլուղ գյուղի տարածքում գտնվող Շողագավանք եկեղեցուց հարավ, «Մհերի գուռ» կոչվող բլրի վրա, տնտեսական հորի մեջ (խոր.՝ 1 մ) հայտնաբերվեց ոչ մեծ կարասի մեջ պահված տասնչորս քրեղան: Կարմիր, բարձրորակ, անգորպապատ կարասն ունի ուռուցիկ իրան, ոչ բարձր, նեղացող վիզ, դուրս ճկված կլորավուն շուրթ, ցածր նստակույ հարթ հատակ: Անոթը վզի կենտրոնում ունի ուսերի վրա իջնող, կտրվածքում կլոր, երկու կողմ կանթեր, որոնք վերնամասում հարդարված են ուռուցիկ ելուստներով: Իրանի վերին մասում, երկու կողմից կանթերի միջև արված են ուռուցիկ, սրածայր, կամարաձև կեղծ կանթեր: Նման կարասներ Հայաստանում հայտնի են Դվինից, Մակարավանքից, Բերքաբերից¹ և այլն:

Կարասի կողքին հայտնաբերվել է կիսով չափ պահպանված, արտաքինից դեղին, ջնարակապատ խիթ բեկոր: Տափակ, կլոր իրանով այս խոսկին ունի 30 սմ տրամագիծ, միջին մասում՝ 3 սմ, կողերում՝ 1 սմ հաստություն: Կողերը հարդարված են ճգմված ֆարդանախշով: Խիթ կանթը ներկայացնում է միաձուլ, կլոր զյան (վերին տրամագիծը՝ 3 սմ): Կենտրոնում պահպանված է 1,5 սմ տրամագիծ ունեցող գոգավոր հարգանախշ: Խիթի այս տիպը հայտնի է Դվինի՝ XII—XIII դդ. շերտերից², Անբերդից³, Դիլիջանից⁴, Արգեհովտի⁵ ամրոցից և այլն: Հիշարժան է այն փաստը, որ Հայաստանում և Անդրկովկասում խիթը հանդես են գալիս թույլ կամ բարձրորակ անգործով: Այս խոսկը հայտնի եզակի օրինակներից է: Ջնարակված խիթի թեկորներ գտնվել են նաև Դվինում (նյութերը հրատարակված չեն):

Գտնված քրեղանները բաժանվում են երկու հիմնական խմբի՝ կարմիր, անգորպապատ մակերեսով և ջնարակապատ: Կարմիր, անգորպապատ քրեղանները թվով տասն են, ունեն 24—26 սմ տրամագիծ, 8—10 սմ բարձրություն: Բոլոր քրեղանները խորն են, ուղիղ կամ ներձկված եզրերով, կլորավուն կամ դուրս ճկված շուրթերով: Մեկ քրեղանի եզրերը խիստ ընդգծված են: Քրեղաններից երեքի հատակները օժտված են ոչ մեծ նստակներով, մյուսների հատակները օղակաձև են: Քրեղաններից մեկի հատակը հարդարված է խրված խաշով: Նախազարդման այս խղանակը հայտնի է Հայաստանում, հյուսիս-արևելյան Հայաստանում հանդիպում է Դիլիջանում, Մակահղցի բնակատեղիում, Տավուշում: Քրեղաններից երկուսը ներսից գունազարդված են կարմիր ներկով, արված են եռանկյուններ և շրջանակներ: Նման նախ-

1 Ա. Ա. Քալանթարյան, Դվինի նյութական մշակույթը 4—8-րդ դդ., Երևան, 1970: և ուրի՝ Դվին, Կենտրոնական թաղամասի պեղումները 1964—70 թթ., Երևան, 1976, էջ 76, 2. Ս. Նսայան, Մակարավանքի միջնադարյան խեցեղենը (Պատմա-բանասիրական հանդես, 1981, № 1, էջ 226). Գ. Ս. Есаян, Разведочные раскопки в Бсркабере (ЗУՍՀ ԳԱ լրաբեր հասարակական դիտությունների, 1985, № 6):

2 Կ. Գ. Ղուֆադարյան, Դվին քաղաքը և նրա պեղումները, Երևան, 1952, էջ 76:

3 Ս. Վ. Հարությունյան, Անբերդ, Երևան, 1978, նկ. 83:

4 Գ. Ս. Есаян, Материальная культура бассейна реки Агстев в развитом средневековье, Ереван, 1992, табл. 22, р. 9.

5 Նույն տեղում, աղ. 13, նկ. 4:

շեր երեւում են ևս երեք քրեղանների վրա, սակայն ներկը այստեղ քերված է: Այս տիպի քրեղաններն իրենց լայն զուգահեռներն են դառնում Հայաստանի XII—XIII դդ. հուշարձաններում՝ Դվին, Գառնի, Ամբերդ և այլն:

Քրեղանների երկրորդ խումբը կազմում են ջնարակած անոթները: Նրանցից երկուսը ոչ մեծ քրեղաններ են՝ (21 սմ տրամագծով և 8 սմ բարձրությամբ) կլորավուն բարձրացող իրաններով, ուղիղ եզրերով, կլոր դուրս ճկված շուրթերով, օղակաձև հատակներով: Երկու քրեղանների եզրերն ու շուրթերը արտաքինից ծածկված են կանաչ ջնարակով: Մնացածի արտաքին մակերեսը զուրկ է անգործից և ջնարակից: Երկու քրեղանների ներքին մակերեսը պատված է դեղնականաչավուն և դեղին ջնարակով: Քրեղանների իրանների հատակներին ներսից պահպանվել են թրծման եռոտանիների հետքեր: Դեղին ջնարակով քրեղանը ներսից հարդարված է շագանակագույն ջնարակի երկուական գծերով արված հնգաթև աստղով, թևերի միջև տեղադրված են պարուրաձև շրջանակներ: Մի քրեղանը հարդարված է նույն եղանակով արված քառաթև խաչով, որի թևերի միջև տեղադրված են նույնպիսի պարուրաձև շրջանակներ: Երկու քրեղանների ընդհանուր զարգամոտիվը շրջագծված է զուգահեռ գծերով: Այս տիպի քրեղանները շատ տարածված են եղել զարգացած միջնադարում: 1984 թ. Դվինի պեղումների ընթացքում այս տիպի քրեղաններ հայտնաբերվել են արհեստանոցից, ուր պատրաստվել են միայն նման անոթներ⁸:

Սրորոգ քրեղանը վերոհիշյալների նման ունի օղակաձև հատակ և վիշալաձև իրան: Եզրերի արտաքին կողմերը և իրանի վերին մասը ծածկված են սպիտակ անդորով: Իրանը ներսից պատված է կանաչ ջնարակով, եզրերը հարդարված են խիստ ոճավորված եռաշար, պարուրաձև նախշով, հատակը ներսից հարդարված է շրջա հատվող քառանկյունիներով, որոնք կազմում են շեղանկյուններ և հավասարակողմ եռանկյունիներ:

Իր տեսակի մեջ հազվագյուտ հետաքրքրություն է առաջացնում վերա-վուն իրանով, օղակաձև նստուկով, ուղիղ եզրերով և ճկված շուրթերով ջնարակված քրեղանը (տրամագիծը՝ 21 սմ, բարձրությունը՝ 9 սմ): Նրա արտաքին մակերեսը ծածկված է րաց կանաչավուն ջնարակով, որի վրա տեղադրված հանդիպում են մուգ կետեր: Ներսը եզրավորում են երկու զույգ գծեր, որոնց միջև անցնում է կիսակլոր հատվող գծերի հարդանախ՝ առաջացնելով յուրատեսակ շղթա: Իրանի ներսից, հատակին և կենտոնում պատկերված է երկար հագոստով մարդկային կերպարանք: Զոհաստի տակից երևում են պրոֆիլով պատկերված ոտքերը: Արմունկներում ծավալած ձեռքերը վեր են բարձրացված, ափերը բացված՝ ընկած բութ մատներով: Աջ ձեռքի արմունկից կախված է վարդապետի զարդարված, զամբյուղ հիշեցնող մի իր, որը կարող է լինել խիստ ոճավորված խնկարկման անոթ՝ բուրվառ: Աջ արմունկի մոտ տեղադրված են զույգ վարդապետներ: Գլուխը ոճավորված է, երեսը երկարավուն է՝ ձգված, անհավասար արտոսկրերով: Աչքերը նշաձև են, խիստ արտահայտված մուգ բիբերով և թավ հոնքերով: Քիթը սուր է, ուղիղ, թույլ արտահայտված ուղեբերով: Բերանը վերին շուրթի մասում քիչ գոգավոր է, թեքված: Կզակը ծածկված է մուգ ջնարակով արված եռանկյունաձև սուր մորուսով, գլխին դեպի վեր յայնացող տխարա է (զլխարկ), որի երկու ելուստ ունեցող վերին մասը հարդարված է զույգ շրջանակներով: Տխարայի դիմա-լին կողմում երևում են քառանկյունիներ: Պատկերի ուսերը թեք են, աջը՝ քիչ բարձրացված: Զոհաստը ծածկում է ֆիգուրի սրունքները, երկար թեքե-րը կիպ ծածկված են դաստակների վրա: Կուրծքը հարդարված է խաչվող զույգ լանջադուտիկներով: Զոհաստի փեշը հարդարված է երկնյա զուգահեռ, զույգ գծերով, որոնց ներքևի շարքում անցնում է շրջանակաձև հարդանախշ:

⁸ Նյութերը հրատարակված չեն: Դրանք մեզ տրամադրել է Դվինի արշավախմբի ղեկավար, պատմ. դիտ. դոկտոր Արամ Քալանթարյանը, որի համար հայտնում ենք մեր խորին շնորհակալությունը:

վերին շարքում տեղադրված է հայալեզու «Սբ. Հանես» արձանագրությունը, որը Սուրբ Հովհաննեսի բարբառային ձևն է:

Ջնարակած անոթների վրա մարդկային պատկերները կաշմում են ոչ մեծ, բայց բնորոշ խումբ, ըստ որում, հանդիպում են և տղամարդկանց, և կանանց պատկերներ: Դրանց թվին է պատկանում Անիից հայտնաբերված թասի հատակին եղած կնոջ պատկերը: Նրա ձախ ձեռքը դրված է կողքին, իսկ աջ ձեռքով ըստ նրկույթին բռնել է հայելին: Դեմքը ձգված է, ունի մեծ քիթ: Մատները ծածկում են գլխաշորը: Զգեստը երկգույն է (կանաչ, դեղին)⁷: Այս թասը առաջին անգամ հրատարակել է Հ. Օրբելին՝ այն համարելով ազգային արվեստի ինքնատիպ նմուշ⁸: Իր պատկերագրական հատկանիշներով, այս պատկերը նման է մանրանկարների օրինակներին, որը հնարավորություն է տվել Բ. Շեկովսկիյի կողմից այն համեմատել Վայոց ձորի՝ 1317 թ. ձեռագրում պատկերված Գրիգորի կնոջ՝ Մամախաթունի հետ, որն ընդհանրություններ ունի Անիի թասում պատկերված կնոջ հետ⁹:

Կանանց պատկերներ հանդիպում են Դվինից և Արգիշտիփսինիլիից գտնված թասերի վրա¹⁰:

Տղամարդկանց պատկերներից հատկանշական է Դվինից գտնված ջնարակած թասը, որի հատակին ասեղնագործված հագուստով պատկեր է՝ մեծ գլխով, կարճ մարմնով, ազդեցիկ դեմքով, տարածված թևերով, բացված մատներով: Գլխին թագ կա: Նման պատկերներ հանդիպում են Աղթամարի վարդաքանդակներում¹¹:

Մարդկանց, հատկապես կանանց պատկերները հանդիպում են նաև հախճապակյա անոթների վրա, սրանց մի մասը հիշեցնում է դիցաբանական ծովահարներին: Նման պատկերներ կան մանրանկարներում¹²:

Մարդկային կերպարանքների պատկերումը շատ ավելի հին ավանդույթներ ունի հար և համաշխարհային կիրառական արվեստում: Մեր քննվող օրինակի նման պրոֆիլավորված ոտքեր հանդիպում են հայ միջնադարյան մանրանկարներում: Այսպես, Հաղպատի վանքի՝ 1211 թ. Ավետարանում (ծաղկող Մարդարեի նկարում) և XIV—XV դդ. Տաթևի վանքում գրված Ավետարանում՝ ծաղկող Գրիգորի «Ավետում» նկարում¹³: Նման պատկերներ հանդիպում են նաև XIV—XV դդ. Ղուկասի Ավետարանի պատկերի վրա՝ Անանուն Սյունեցու նկարում¹⁴: Գլխարկը ձևով հեռավոր նմանություն է գտնում 1232 թ. գրված Թարգմանչաց ավետարանի «Դժոխք իջնելը» մանրանկարի կերպարներից մեկի գլխարկի հետ¹⁵:

Ելնելով արձանագրությունից, մեզ թվում է, որ նկարում պատկերված է Հովհաննես Մկրտիչը, որի պատկերը հաճախ հանդիպում է նաև զարդացած միջնադարյան եկեղեցական սպասքի վրա: Այսպես, Ն. Հակոբյանի նկարագրած միջնադարյան մասնատուփերից մեկի դռնակի վրա կանգնած է

7 Б. А. Шелковников, Подлиная керамика из раскопок города Ани, Ереван, 1957, с. 16.

8 И. А. Орбелли, Каталог Анийского музея древности. Аниийская серия, СПб, 1910, с. 54.

9 Б. А. Шелковников, *նշվ. աշխ.*, էջ 17:

10 Յրիես Բաբայան, Միջնադարյան Հայաստանի ղեղարկետական խեցեղենը, Երևան, 1981, էջ 68:

11 Յրիես Բաբայան, *նշվ. աշխ.*, էջ 69:

12 Ա. Ա. Ժամկոչյան, Միջնադարյան Հայաստանի հախճապակին 9—14-րդ դարերում, Երևան, 1981, էջ 109, աղ. 6, նկ. 4, աղ. 6 ա, նկ. 9, աղ. 7, նկ. 4, 5, աղ. 6 ա, № 7:

13 Լ. Ա. Դուռնովա, Հայկական մանրանկարչություն, Երևան, 1969, նկ. 18, 62:

14 Ալվիզա Միրզոյան, Գրիգոր Տաթևացի և Անանուն Սյունեցի, Երևան, 1987, էջ 67:

15 Լ. Ա. Դուռնովա, *նշվ. աշխ.*, նկ. 28:

Հովհաննես Մկրտչի՝ ուսերին թափվող երկար մազերով, մերկ սրունքներով, ոտաբոբիկ (չրում կանգնած լինելը նշելու նպատակով), կարճ պարեգոտով, օձիք՝ արևելյան ձևով իրար բերած, կարճ թևքերով, ձախ ձեռքը՝ ազդրի վրա, աջով օրհնելիս¹⁶։ Հովհաննես Մկրտչի մեկ այլ պատկեր հանդիպում է Ասորիքից և Պաղեստինից հայտնաբերված բուրվառներից մեկի վրա, ուր նա պատկերված է մկրտության դրվագում՝ գետի մեջ նստած Քրիստոսի գլխին ջուր լցնելիս¹⁷։

Այսպիսով, Հովհաննես Մկրտչի պատկերը հիմնականում հանդիպում է հայ միջնադարյան մանրանկարներում և արարողական սպասքի վրա։ Հովհաննես Մկրտչի պատկերի մեր օրինակը իր տեսակի մեջ միակն է, որ հանդիպում է խեցեղենի վրա և ուղեկցվում է արձանագրությամբ։ Նշան է նաև արձանագրության առկայությունը։

Այսպիսով, քննվող հավաքածուն թվագրվում է XII—XIII դդ., իր լայն զուգահեռներն է գտնում Հայաստանի համաժամանակյա հուշարձաններում և, հավանաբար, պատկանել է Շողադավանքի եկեղեցու բարձրաստիճան հոգևորականի, որն այն թաքցրել է անտեսական հորում՝ վերահաս վտանգը նկատի ունենալով։

О КЕРАМИЧЕСКОЙ КОЛЛЕКЦИИ ИЗ ЦЕРКВИ ШОГАГАВАНК

Г. С. ЕСАЯН

Р е з ю м е

В 1983 г. экспедиция Гос. исторического музея Армении неподалеку от церкви Шогагаванк, расположенной близ села Дзорагюх Мартунийского района, обнаружила в небольшом красноангобированном каресе клад керамических сосудов, состоящий из различных мисок, чаш и глазурированной крышки, датируемых XII—XIII вв. Наиболее интересной находкой клада является поливная миска, в центре которой изображен мужчина в длиннополом одеянии, из-под которого видны ноги. Согнутые в локтях руки подняты вверх. Покрытая тиарой голова изображена стилизованно—с вытянутым лицом, с неровными скулами, прямым носом, миндалевидными глазами, густыми бровями и небольшой клиновидной бородой. В нижней части платья имеется надпись «Сурб Ганес». Иконографический анализ синхронных мошехранилищ, окладов, кадил, миниатюр и т. д. дал возможность установить, что на сосуде изображен Иоанн Креститель, что впервые зафиксировано на керамических изделиях.

16 Ն. Գ. Հակոբյան, Միջնադարյան Հայաստանի գեղարվեստական մետաղը IX—XIII դարերում, Երևան, 1981, էջ 67։

17 Ն. Գ. Հակոբյան, Ի. Գ. Ղաթիրյան, Զ. Ա. Մելիքոյան, Միջնադարյան Հայաստանի խեցամաները (Բանբեր Երևանի պետական համալսարանի, Երևան, 1988, № 1, էջ 117)։